



Danas je Međunarodni dan djeteta

20. 11. 2014 - 17:45 | BiH | by avaz | Foto: avaz



U svijetu se danas obilježava Međunarodni dan djeteta, čiji je cilj podsjetiti i senzibilizirati javnost o potrebi zaštite djece i maloljetnika od zloupotrebe, nasilja i raznih oblika diskriminacije. I u Bosni i Hercegovini danas će biti obilježen Međunarodni dan djeteta nizom manifestacija.

Mi vam donosimo priču o malenoj Tamaru koja je samo jedna u nizu potvrda o surovim realnosti života u BiH. Majske poplave su brojne građane zblížile, ali priče poput Tamarine upozoravaju da su itekako pogođeni polavama brzo i, nažalost, zaboravljeni.

Tamara je šestogodišnja djevojčica, bez roditelja, koja je bila prinuđena napustiti Tuzlu tokom majskih katastrofalnih poplava.

Živjela je s bakom i bratom, ali su oni ostali kod kuće boreći se za goli opstanak.

Nova destinacija za nju bila je sarajevsko naselje Stup, jer je autobusom iz Tuzle stigla s ostalim Romima u Sarajevo.

Nažalost, prinuđena je plaćati stanarinu. Naravno, s tim problemom se ne može sama izboriti jer ima samo šest godina.

To odražava samo nemar društva, ali i cjelokupne države. U Sarajevu joj jedino društvo predstavljaju lokalni psi lutalice.

Ne želi, ali i ne smije govoriti o sebi. Kad je život prema nekome surov, on godinama, obično, postaje još gori. Tako je i s djevojčicom Tamarom.



Jeste li ikada nahranili pse lutalice? Jeste li donijeli cipele ili kaput onima kojima je u tom trenutku potrebnije nego vama?

Jeste li učinili neko dobro djelo samo zato što ste osjećali da tako treba, bez očekivanja da se zahvalost uzvrati? Tamara je zahvalila suzama.

Najiskrenije. Jer dječije suze ne mogu slagati, ali ni prevariti nas odrasle, navodi se u pismu čitatelja koje je stiglo na adresu našeg portala.

Zato pozivamo sve ljude dobre volje, koji su u mogućnosti na bilo koji način pomoći, da se odazovu tako što će pokloniti prvi džemper, cipelice, neki prehrambeni artikal i darovati ga onom kome misle da je potrebno. Koliko je ovakvih priča do sada zabilježeno u BiH? Sigurno na stotine, ako ne i više.

Nedostatak vremena ili novca ne predstavlja opravdanje za pasivnost bh. građana, koji će radije zažmiriti pred problemima koji su tu pred njima.

Tamara je ova država.